

Ҳақиқий рўза ёлғон ва ғийбатдан тийилишдир



03:30 / 02.04.2023 3690

Ҳақиқий рўза ёлғон ва ғийбатдан тийилишдир

Рамазон рўзасини бизларга фарз қилган Аллоҳ азза ва жаллага ҳамдлар, тунларини ибодат билан бедор ўтказишни суннат қилган Расули акрамга салавоту саломлар бўлсин.

«مَلِسْ وَهِيَلُعْ هَلْلَى إِلْصَهَلْلَى لُوسَرَلْأَقْ هَلْلَى يَضْرَرَرْيَرُهْ يَبَأْ نَعْ هَأَوَرْ .»
«أَوْرَبَأَرْشَ وَمَأْعَطَدَيْ نَأْ يَفْجَأَحَلَّلَ سْيَلَفَهَلَّلَ مَعْلَوْرَلَأَوْرُزَلَأَلَوْقَعَدَيْ مَلْ يَرَأْخَبَلَأْ.

Абу Ҳурайра розияллоҳу анҳудан ривоят қилинади:

«Расулуллоҳ соллаллоҳу алайҳи васаллам: «**Ким ёлғон гапиришни ва унга амал қилишни қўймаса, Аллоҳ унинг таоми ва ичимлигини тарк этишига муҳтоҷ эмас**», дедилар» (Имом Бухорий ривоят қилган).

Ҳадиснинг бошқа ривоятлари:

Имом Бухорий Абу Ҳурайра розияллоҳу анҳудан қилган бошқа ривоятда Расууллоҳ соллаллоҳу алайҳи васаллам:

«مَنْ لِمَ عَلَى وَرْزَلٍ وَلَمْ جُلَّ وَلَقَعَ دَيْمَلٌ»

«Ким ёлғон гапиришни, унга амал қилишни ва жоҳиллигини қўймаса...», деганлар.

Бу ҳадисни имом Бухорийдан ташқари имом Аҳмад, Абу Довуд, Термизий, Ибн Можа ва Ибн Ҳиббонлар ривоят қилишган.

Ҳадиснинг шарҳи:

Ҳадисдаги «ёлғон гапириш» деб таржима қилган иборамиз «رُوْزَلٍ وَلَقَعَ» деб келган. Унга ғийбат, чақимчилик, иғво, бўхтон, ёлғон гувоҳлик бериш ва ҳар қандай ботил гаплар киради. Рӯздор одамнинг еб-ичиш, аёлига яқинлик қилиш ва бошқа рўзани очиб юборадиган нарсалардан ўзини тийиш билангина рўзаси мукаммал бўлмайди. Рӯздор ҳозир айтиб ўтганимиздек, ғийбат, чақимчилик, иғво, бўхтон ва ҳар қандай ботил гаплардан ҳам тилини тийиши керак. Акс ҳолда тутган рўзасига нуқсон етиб, Аллоҳ таоло тарафидан рӯздорлар учун ваъда қилинган ажр-савобларни камайишига сабаб бўлади.

Устозимиз Шайх Муҳаммад Содик Муҳаммад Юсуф роҳимаҳуллоҳ «Руҳий тарбия» асарларида «Тил оғотлари» сарлавҳаси остида барча иллатларни бирма-бир зикр қилиб, ўша иллатлардан халос бўлиш йўлларини баён қилганлар.

Имом Бухорий ва Муслим Абу Ҳурайра розияллоҳу анҳудан қилган ривоятда Расууллоҳ соллаллоҳу алайҳи васаллам:

«إِنِّي لُقِيْلَفُ مَمَتَّا شَوْأً وَلَقَعَ دَيْمَلٌ وَلَقَعَ فَرِيْلَفُ نَإِنِّي صَلَّا صِلَّا مَمَتَّا شَوْأً».

«Рўза қалқондир. (Рӯздор) фаҳш сўз айтмасин, жоҳиллик ҳам қилмасин. Агар бирор киши у билан уришмоқчи ёки сўкишмоқчи бўлса, «Мен рўздорман, мен рўздорман», десин», деганлар.

Имом Насоий Оиша розияллоҳу анҳодан қилган ривоятда Набий соллаллоҳу алайҳи васаллам:

«هـ لـ جـ فـ رـ مـ اـ نـ إـ وـ ذـ مـ وـ يـ لـ جـ حـ بـ صـ نـ مـ جـ مـ آـ يـ صـ لـ».
«أـ لـ فـ مـ ئـ آـ صـ حـ بـ صـ نـ مـ جـ مـ آـ يـ صـ لـ».

«Рўза дўзахдан қалқондир. Ким рўзадор бўлса, ўша куни жоҳиллик қилмасин. Агар бирор киши унга жоҳиллик қилса, уни ҳақоратламасин, сўкмасин. «Мен рўзадорман», десин», деганлар.

Али розияллоҳу анҳу: «Таом ва ичимлиқдангина рўза тутилмайди. Лекин ёлғон, ботил ва беҳуда гаплардан тутилади», деганлар.

Жобир ибн Абдуллоҳ розияллоҳу анҳумо: «Рўза тутсанг қулоғинг, кўзинг, тилинг ёлғон ва гуноҳлардан рўза тутсин. Хизматкорга озор биришдан тийил...», деганлар.

Мужтаҳид уламолардан имом Авзоъий: «Ғийбат рўзадорнинг рўзасини очиб юборади. Унга ўша куннинг қазосини тутиб бериши вожиб бўлади», деган.

Мужоҳид ибн Жабр: «Кимнинг рўзаси саломат қолишини истаса, ғийбат ва ёлғондан четлансин», деган.

«وَلَعْمَ بِعْدَ مُؤْلِفِهِ» «унга амал қилишни» яъни Аллоҳ таолонинг ва Унинг Расулининг норозилигига сабаб бўладиган ҳар бир ишни қилиш тушунилади. Рўзадор ҳаром ишга қўл урса, тутган рўзасининг савобидан маҳрум бўлиб қолади. Рўзаси мукаммал бўлишини хоҳласа, Аллоҳ шариъатда ҳаром қилган амаллардан ўзини тишиши керак. Бу дегани Рамазон ойидан бошқа ойларда бу гуноҳ ишларни қилиш жоиз экани келиб чиқмайди, балки Рамазон ойида бу гуноҳ ишларга яқинлашмаслик янада қаттиқроқ таъкидланади.

«وَلَعْمَ بِعْدَ مُؤْلِفِهِ» Расууллоҳ соллаллоҳу алайҳи васаллам **«жоҳиллигини қўймаса»**, деяпдилар. Жоҳиллик икки хил маънони ифодалайди. Биринчиси илмни зидди. Иккинчиси ҳалимликни зиддини ифодалайди. Ушбу ҳадисда шу иккинчи маъноси назарда тутилган дейишади уламоларимиз. Яъни одамларга қўпол муомалада бўлиш, уларга нисбатан беодоблик қилиш, қўнглини оғритиш каби ишлар жоҳилликнинг жумласига киради.

Имом Бухорий ва имом Муслимлар Абу Ҳурайра розияллоҳу анхудан қилишган ривоятда Расууллоҳ соллаллоҳу алайҳи васаллам:

«هَلَّتْ أَقْ وَأَدْحَأْ هَبْ أَسْ نِإْفْ ۖ بَخْسَيْ أَلْوَذْيَمْوَيْ ۖ ثُفْرَيْ أَلْفْ ۖ مُكْدَحْرَمْوَصْ مَوْيَنْ أَكْ لَإِفْ ۖ مَئْأَاصْ وَرْمَا يَنْ إِلْقَيْلَفْ ۖ».

«Бирортангиз рўза тутган бўлса, ўша куни уят сўз гапирмасин, бақир-чақир қилмасин. Агар кимдир у билан сўкишмоқчи ёки уришмоқчи бўлса, «Мен рўзадорман», десин», деганлар.

«**أَلْلَوْخُ عَنِينْغُ تَأْوِيمِيْ وَأَيْلَفُ جَعْدَيْنَ أَيْلَفُ مَأْمَعْ طَعْدَيْنَ**» **«Аллоҳ унинг таоми ва ичимлигини тарк этишига муҳтоҷ эмас»**. Расулуллоҳ соллаллоҳу алайҳи васаллам бу гаплари билан ўзини гуноҳ-маъсиятлардан тиймаган одам рўза тутмай қўяверсин, демоқчимаслар, рўзадорни эҳтиёткорликка, рўзасига нуқсон етиб, савоби камайиб қолмаслиги ҳаракатида бўлишга чақирияпдилар.

Умуман олганда Аллоҳ таоло бандаларининг тоатларига муҳтоҷ эмас. У Зотга бандаларини тоат-ибодатлари фойда келтирмайди, гуноҳ-маъсиятларидан зиён ҳам кўрмайди. Тоат ва маъсиятларнинг фойда зарари банданинг ўзига бўлади.

Ушбу ҳадисдан олинадиган фойдалар:

1. Ҳақиқий рўза еб-ичиш, жимо ва бошқа рўзани очувчи нарсалардан тийилиш эмас, балки Аллоҳ ҳаром қилган барча сўз ва амаллардан тийилиш ҳақиқий рўза саналади.

Уламоларимиз: «Еб-ичиш ва бошқа рўзани очувчи нарсалардан тийилиш баданнинг рўзасидир. Аллоҳ ва Унинг Расули қайтарган ишлардан тийилиш қалбнинг рўзасидир. Рўзадан кўзланган асосий мақсад ҳам шу», дейишишган.

2. Рўзадор одам гуноҳлардан тийилмаса, тутган рўзаси ноқис бўлиб қолиши, савоби камайиб кетиши, хатто рўзадорга ваъда қилинган савобдан буткул маҳруб бўлиб қолиши мумкинлиги уқтирилмоқда.

Имом Аҳмад Абу Ҳурайра розияллоҳу анҳудан қилган ривоятда Расулуллоҳ соллаллоҳу алайҳи васаллам:

«رَهْسَلِإِمْأَيْقُونْ مُظْحِيْأَقْ بُرْوُشَطْعَلْأَوْعُجَلْإِمْأَيْصُونْ مُظْحِيْأَصْ بُرْ».

«Баъзи рўзадорлар борки, улар тутган рўзаси учун очликдан ўзга нарсага эришмайдилар. Баъзи тунда (ибодат билан) бедор бўлганлар борки, улар бедорлиги учун уйқусизликдан ўзга нарсага эришмайдилар», деганлар.

3. Ҳақиқий рўза бу инсон тилини, кўзини, қулоғини ва бошқа аъзоларини Аллоҳ ва Унинг Расули қайтарган нарсалардан тийиш экани айтилмоқда.

Уламоларимиз сабрни учга – Аллоҳнинг тоатига сабр қилиш, маъсиятларни тарк қилишда сабр қилиш, қазо ва қадарга, инсон бошига тушган бало-синовларга сабр қилишга тақсимлашган. Рўза шу учала сабрни ўзида жамлаган ибодат саналади.

4. Аллоҳ таоло бандаларининг тоат-ибодатларидан фойда кўрмаслиги, гуноҳ-маъсиятларидан зиён кўрмаслиги айтилмоқда. Аксинча тоатнинг фойдаси, гуноҳларнинг зарари банданинг ўзига бўлади.

5. Аллоҳ рўзани инсондаги тақвони кучайтириш учун фарз қилганини англаб оламиз, чунки Аллоҳ таоло Бақара сурасининг 183-оятида:

{أَيُّهُمْ لَعَنْهُمْ أَنَّمَا يَرْجُو مِنَ الْإِيمَانِ إِلَّا تَقْرَبُهُمْ وَلَعَلَّهُمْ يَرْجِعُونَ} [الزمر: 183]

«Эй иймон келтирганлар! Сизлардан аввалгиларга фарз қилинганидек, сизларга ҳам рўза фарз қилинди. Шоядки, тақво қилсангиз», деб марҳамат қилган.

Хулоса

Рўза мусулмонни бир ой давомида Робби Аллоҳ азза ва жалла билан боғлаб туради. Агар инсон бир ой давомида дини буюган ишларни қилиб, қайтарган нарсаларидан қайтса, ҳаётини яхши тамонга ўзгартириб юборади.

Рамазон ойи мусулмон учун тарбия мадрасасидир. Гуноҳ-маъсиятлардан халос бўлиши, фазилатларни касб этиши учун қулай фурсатдир.

Рўза сабрнинг учала қисмини – Аллоҳнинг тоатига сабр қилишга, маъсиятларни тарк қилишдаги сабрга, қазо ва қадарга, инсон бошига тушган бало-синовларга сабр қилишга ўргатади.

Рўза рўзадорда муҳтож-фақирларга нисбатан раҳм-шафқат уйғотади. У очнаҳор қалганда мискинларни хис қиласи, уларга ёрда қўлинини чўзишга ўтади...

Муҳаммад Али Муҳаммад Юсуф тайёрлади

